



REPUBLIKA E SHQIPERISE  
KOMISIONI QENDROR I ZGJEDHJEVE  
KOMISIONI RREGULLATOR

V E N D I M  
PËR  
MIRATIMIN E NGRITJES SË ZONAVE TË ADMNISTRIMIT ZGJEDHOR PËR  
ZGJEDHJET PËR KUVENDIN TË DATËS 25 PRILL 2021.

Komisioni Rregullator, në mbledhjen e tij të datës .11.2020, me pjesëmarrjen e:

Ilirjana	NANO -	Kryetare
Arens	ÇELA -	Anëtar
Dritan	ÇAKA -	Anëtar
Helga	VUKAJ -	Anëtare
Muharrem	ÇAKAJ -	Anëtar

shqyrtoi çështjen me:

**OBJEKT:** Miratimi i ngritjes të zonave të administrimit zgjedhor për zgjedhjet për Kuvendin të datës 25 prill 2021.

**BAZA LIGJORE:** Neni 20, paragrafin 1, shkronja “a” dhe neni 27 i ligjit nr.10019, datë 29.12.2008, “Kodi Zgjedhor i Republikës së Shqipërisë”, i ndryshuar.

KQZ pasi shqyrtoi dokumentacionin e paraqitur dhe dëgjoi diskutimet e përfaqësuesve të partive politike,

VËREN

Bazuar në nenin 27, paragrafi 5, të Kodit Zgjedhor, Zonat e Administrimit Zgjedhor miratohen nga KQZ-ja jo më vonë se 9 muaj para përfundimit të mandatit të Kuvendit, mbi bazën e numrit të shtetasve me të drejtë vote në datën e fundit të periudhës zgjedhore për caktimin e zgjedhjeve,



sipas të dhënave të Drejtorisë së Përgjithshme të Gjendjes Civile. Jo më vonë se 10 muaj para mbarimit të mandatit të Kuvendit, Drejtoria e Përgjithshme e Gjendjes Civile i dërgon të dhënat KQZ-së, të ndara sipas njësive të qeverisjes vendore”. Këto të dhëna kanë ardhur në KQZ me shkresën e Drejtorisë së Përgjithshme të Gjendjes Civil nr.2029/1 prot., datë 25.11.2020.

Neni 27 i Kodit Zgjedhor përcakton kriteret ligjore për ngritjen e Zonave të Administrimit Zgjedhor. Juridiksioni territorial i ZAZ-ve si rregull është i njëjtë me territorin administrativ të bashkisë. Bashkitë që kanë më shumë se 80 mijë shtetas me të drejtë vote ndahen nga KQZ-ja në më shumë se sa një ZAZ, duke respektuar kriterin e pandashmërisë së territorit të njësive administrative, vazhdimësinë dhe kompaktësinë e territorit, barrierat gjeografike, mundësitë e mira të komunikimit brenda territorit dhe numër të përafërt zgjedhësish.

Zonat e Administrimit Zgjedhor ngrihen dhe funksionojnë për cdo lloj zgjedhje dhe referendumi. Komisioni Qendror i Zgjedhjeve ndryshon kufijtë e ZAZ-së nëse ka ndryshim të kriterëve të paragrafit 2 dhe 3 të nenit 27 të Kodit Zgjedhor.

Nga informacioni i ardhur për numrin e shtetasve me të drejtë vote, më datë reference 15 maj 2021, dhe kriterëve për ngritjen e ZAZ-ve, nga 61 Bashki rezultojnë se:

- 50 bashki kanë më pak se 80 mijë shtetas me të drejtë vote dhe në përputhje me kriteret për ngritjen e ZAZ-ve, rezultojnë se nuk lind nevoja për ndryshimin e tyre
- 9 Bashki, (Shkodër, Lezhë, Durrës, Kamëz, Tiranë, Elbasan, Lushje, Korçë dhe Vlorë) kanë më shumë se 80 mijë zgjedhës me të drejtë vote dhe janë të ndara në më shumë se një ZAZ dhe sipas të dhënave të ardhura rezultojnë se nuk ka nevojë për rindarje të tyre.
- Bashkia Berat e përbërë nga një ZAZ, rezultojnë me 80,862 shtetas me të drejtë vote dhe në përputhje me kriteret për ngritjen e ZAZ-ve, propozohet të ndahet në 2 zona të administrimit zgjedhor, si më poshtë:
  - ZAZ me përberje nga njësitet administrative Berat R1, Berat R2, Berat R3 me 52,463 shtetas me të drejtë vote.
  - ZAZ me përberje nga njësitet administrative Otlak, Roshnik, Sinjë, Velabisht me 28,370 shtetas me të drejtë vote.



- Bashkia Fier e përbëre aktualisht nga 2 ZAZ, rezulton me 165,900 shtetas me të drejtë vote. ZAZ nr.58 e përbëre nga njësi administrative Fier R1, Fier R2, Fier R3, Fier R4 dhe Mbrostar ka 86,473 shtetas me të drejtë vote. Në këto kushte, Bashkia Fier propozohet të rindahet në 3 zona të administrimit zgjedhor, si më poshtë:
  - ZAZ me përberje nga njësitë administrative Levan, Portëz, Frakull, Cakran përbëhet me 44,579 shtetas me të drejtë vote.
  - ZAZ me përberje nga njësitë administrative Libofshë, Topojë, Qëndër, Mbrostar, Dërmenas përbëhet me 43,342 shtetas me të drejtë vote.
  - ZAZ me përberje nga njësitë administrative Fier R1, Fier R2, Fier R3, Fier R4, përbëhet me 79,427 shtetas me të drejtë vote.

Për sa më sipër, nga verifikimi i të dhënave, në shkresën e Drejtorisë së Përgjithshme të Gjendjes Civile për numrin e shtetasve me të drejtë vote me datë reference 15 maj 2021 dhe kriterëve për ngritjen e ZAZ-ve rezulton se lind nevoja për ndryshimin e Zonave të Administrimit Zgjedhor, pasi numri i shtetasve me të drejtë vote në ZAZ nr. 58 të Bashkisë Fier si dhe në ZAZ nr. 64 të Bashkisë Berat e kalon kufirin e e përcaktuar nga Kodi Zgjedhor.

Duke aplikuar saktësisht dhe plotësisht kriteret për ngritjen e ZAZ-ve sipas paragrafeve 2, 3 dhe 4 të nenit 27 të Kodit Zgjedhor dhe në të dhënat e dërguara nga Drejtoria e Përgjithshme e Gjendjes Civile për numrin e zgjedhësve, propozojmë se nga 90 ZAZ që kanë qënë në zgjedhjet e mëparshme, të bëhen 92 ZAZ. Kjo ndarje siguron një administrim më efikas të procesit zgjedhor nga niveli i dytë i administratës zgjedhore dhe mbi të gjitha, një numërim më të shpejtë e transparent.

Në krijimin e ZAZ-ve janë respektuar plotësisht kriteret e përcaktuara në Kodin Zgjedhor: pandashmëria e territorit të njësisë administrative; vazhdimësia dhe kompaktësia e territorit, duke shmangur barrierat gjeografike; mundësi të mira komunikimi brenda territorit dhe numër i përafërt zgjedhësish.

Numërtimi i ZAZ do të behët me anë të një numri dy shifror duke filluar me 01 duke siguruar përputhshmëri të numërtimit unik kombëtar të zonave të qendrave të votimit me numërtimin e ZAZ-ve, ku ZAZ-ja nr. 01 duhet të përmbajë zonat me numërtim fillestar të qendrave të votimit, e në vijim.



## PËR KËTO ARSYE

Komisioni Regullator, mbështetur në nenin 20, paragrafi 1, nenin 27 të ligjit Nr.10019, datë 29.12.2008 “Kodi Zgjedhor i Republikës së Shqipërisë”, i ndryshuar,

### VENDOSI:

1. Të miratojë ngritjen e 92 (nëntëdhjetë e dy) Zonave të Administrimit Zgjedhor për Zgjedhjet për Kuvendin të datës 25 prill 2021, sipas lidhjes nr. 1.
2. Ky vendim hyn në fuqi menjëherë.
3. Kundër këtij vendimi mund të bëhet ankim në Kolegjin Zgjedhor brenda 5 ditëve nga shpallja e tij.

